

Энүнд Ленинä үг сонъсгдла

1917 джилдин май сарин 21-д (шин тоогъар июнь сарин 3-д) „Скороход“ гидг фабрикин клубд Московск заставин кōдлмшчнрин митинг болв. Өдгä цагин бāädлин тускар болн пролетариатин кедж кўцāх тōрмүдин тускар Владимир Ильич Ленин докладта босс-мн.

Ганцхн Московск заставин биш, нам талдан райодсас-чигн кесг миньгын кōдлмшчнр Ленинä харгъхар ирцхāv. „Пролетарская победа“ гидг фабрикт 44 джил кōдлсн кōгшн производственник Н. С. Арсеньев бас тер митингд орх хувнь тусдж. Арсеньев нигдж келнā:

— Митинг болхин өмн өдр „Скороход“ гидг фабрикин клубд, өрүн 10 часла, өдгä цагин бāädлин тускар болн пролетариатин кех-кўцāх кергүүлин тускар Ильич доклад кēхмн гидж, „Правда“ газетд зāнъглгдлā. Эн өдр клуб тал олн улс эклād хурцхāv. Тōгā-лнъгдāн Ленинä тускар кўундвр кецхāнā, Финляндск вокзалд ягъдж оч Лениниг тосдж авсанннь тускар сандж келцхāv.

Аш сүүлднъ ут кўлāгдсн цаг ирв—Владимир Ильич Ленинä келсн үгиг сонъсх седклтā улсиг гер багтадж чадсн уга. Клубур орх хаалгыннь бōглād миньгын āмтн зогсчкв. Теднā сурврар Ильич, газа уульнцд гарад докладан эклв.

Дāәнā тускар, пролетариат йосан гартан авхин тускар,

газрин тускар Владимир Ильич келв. Ленинä келсн үг болгынъ өрчд ивтрдж, цааранднъ ю кехинъ йилгъдж медулнā. Лениниг энд доклад кеснā хōбн, Московск заставин предприятъсин гос уйдг кōдлмшчнр, „Правда“ гидг большевистск газетиг алдл. уга умшдг болцхāv. Московск заставин кōдлмшчнр большевикүдин халхд лавта зогсцхāv. Ик-ик предприятъсār, райодсār, „Скороход“ гидг фабрикт партийн организацс шулугъар өсцхāv. Фрунзин нертā дāәнā-тенъгсин ах училищин революцин ик зал, терүнā хуучна эрснъ дāәнā-тенъгсин цергчнрин кесг олн үрдүд үзсн болх. Энүнд ода бийнъ, байрин днилвртā өдрмүдлā дāәнā-тенъгсин сургъуль сурцах офицермүд байрта-бахта парадт зогсцхāv. Эн залин эрсд хад чолугъар кесн ик доск тāvгддж, „1917 джил май сарин 21-д (8) Петрогра-

дин партийн организацин хургт, РСДРП(б)-н 7-ч Апрельск Всероссийск конференцин дигин тускар В. И. Ленин доклад эн залд кесми“,—гидж тер доскднъ бичātā бāәнā.

Фрунзен нертā дāәнā-тенъгсин ах училищин курсантнр болн багшнр В. И. Ленин теднā училищд доклад кесн өдрās авн 40 джил болсн өбниг темдглджāнā. Тер өбнд нерāддж, дāәнā-тенъгсин училищд кегдджāх байрин нāärt, 40 джил хооран, революцин алдр вождин келсн зальта халун үгиг тиигхд сонъссн улс, босдж үг келцхāхмн.